

SCHINEBLOOSER WAGGIS





s'Pilz-Kiosgg-Drama

**Mir sueche e Pilz, e wisse runde
hän en aber niene meh gfunde,
in dr Falknerstross an der Hauptposcht unde
ständ e Kiosgg, e wisse runde.**

**D'Äzed het us Koschtegrinde welle
dr Pilzkiosgg mit allne Wurzle felle
doch dr Heimetschutz hebt d'Pfoote druff,
und das macht d'Äzed zimlig muff.**

**An Interessänte hät's nit gfählt.
Au dr Pilzkontrollör hät dä Standort gwählt
zum e Pilz-Häppening-Zentrum z'grinde
fir alli verirrte Pilzsammler-Frinde.**

**En Italiäner würd e Träffpunggt mache
E Stand mit viele siesse Sache
Unterem Motto «alles fir d'Kinder»
mit Glacé im Summer und Marroni im Winter.**

**E Kaufmaa het an däm Egge unde
e glungene Ort fir Uhre gfunde.
Dert würd är sini Swatsch verkaufe,
well so viil Lyt düen durelaufe.**

**D'Leesig kunnt do iber d'Nacht,
denn uffem Inseli het's grässlich kracht.
E schwere Laschti, e Franzos
fährt scheps und schepser in dr Strooss.**

**So het's dä Pilz-Kiosgg ganz gschlisse
und s'ganze Hüsli usenander grisse
nyt meh z'fligge, nyt meh z'mache;
nur d'Äzed het do kenne lache.**

**Mir gän drum unsri Suechi uff
und sin wie viili zimlig muff;
s'Pilzkiosggli, e tipisch Original,
fählt däm Stadtbild ganz fatal.**

Drugg:



Krebs AG
in dr Dalbevorstadt 56

Babyr:

druggt uff «Offset ZRC Blanc», 135 g/m²
vo Zuber-Rieder SA – Walter Bucherer
Inter Papier Agentur

Farb:

Europa-Skala vo

K+E in Baar